

UPM anjur Majlis Makan Malam Amal Reunion ALPUTRA 2025

Oleh: Ameesya Aghniya Ab Rahim



SERDANG, 5 Februari - Universiti Putra Malaysia (UPM) menerusi Persatuan Alumni PALAPES U-Putra (ALPUTRA) telah menganjurkan Majlis Makan Malam Amal Reunion ALPUTRA 2025 baru- baru ini.

Program yang bertemakan 'Gempur ALPUTRA' itu berjaya mengumpulkan sebanyak RM 110,000.00 untuk kebajikan ahli yang memerlukan dan menyumbang kepada masyarakat melalui program khas.

Menteri Dalam Negeri, Datuk Seri Saifuddin Nasution Ismail telah hadir serta merasmikan Majlis Reunion ALPUTRA itu.

Naib Canselor UPM, Dato' Prof. Dr. Ahmad Farhan Mohd Sadullah berkata, UPM adalah rumah kedua kepada pelajar yang akan dibentuk menjadi insan berilmu, berakhlak serta menyumbang kembali kepada alma mater.

"Saya ingin mengambil kesempatan ini untuk memohon agar kita semua dapat memainkan peranan penting dalam membantu universiti mencapai kecemerlangan secara berterusan.

Dalam pada itu, , ALPUTRA turut memberi sumbangan kepada Kolej KOSASS UPM untuk aktiviti kepimpinan dan pembangunan pelajar serta sumbangan untuk Menara Jam Alumni UPM yang disampaikan oleh Presiden ALPUTRA, Tan Sri Datuk Seri Dr. Mazlan Lazim.